

10.

Hag en diztro, Guerc'hez ar Joa
Digemerit hor promessa :
Parrez Penmarc'h da virviken
A zalc'ho mad d'ar feiz kristen.

Imprimatur :

P. MESSENGER,
Vic. gén.

8 Juillet 1920.

Kemper, Moullez, ru an Dudchentil, 7.

8N1-3-003

D'AN

INTRON VARIA AR JOA

PARREZ PENMARCH



VAR. DON : E Sakramant ar Binijen.

DISKAN

*Guerc'hez Vari, Guerc'hez ar Joa,
'Vel eun tour tan, skler o lintra
Hentchit bepred an dud a vor } bis.
Beteg ar porz hag ar goudor.*

1.

En eur dremen 'biou d'ho chapel,
Ar gweliou stenn gant an avel,
Ar martolod, ha deiz ha noz
A fell d'ezan kaout ho pennoz.

2.

Pa bar an eol en oabl lirzin,
Pa vel ar mor o vouse'hoarzin,
Ar martolod en e labour
A fell d'ezan kaout ho sikour.

3.

Pa gouez varnan an noz tenval,
Pa glev an avel o yudal,
Ar martolod evit c'herzel,
An deuz ezom euz ho skoazel.

4.

Ha pa veler divar an ôd
O vont da goll ar martolod
E bried hag e vugale
A deu d'ho pedi hep dale.

5.

Eur vech teac'het deus ar reier,
Eur vech tennet a bep danjer,
Ar martolod a zo dinam
A bok d'ho skeuden 'vel d'he vam.

6.

Pa deu, siouaz ! Ar mor garo
Da roi d'ezan taol ar maro,
Ar martolod, en eur vervel
A zav he vouez 'vit ho kervel.

7.

Guerc'hez Vari, Guerc'hez ar Joa
Prim varlerc'h o heur divéza
Grit ma kavo an dud a vor
Porz an nenvou bepred digor !

8.

Guerc'hez ar Joa, beteg ho ti
An oll a gar dont d'ho pedi :
Roit eta c'hoaz ho sikour
D'al labourer, d'ar micherour.

9.

Braz ha bihan, yaouank ha koz
An oll a c'houlen ho pennoz ;
Lakit da ren al levenez
En oll dier euz ar barrez.